



4133

|                        |                       |            |              |
|------------------------|-----------------------|------------|--------------|
| PRIMLJENO: 15-11-2024  |                       |            |              |
| Organizaciona jedinica | Klasifikaciona oznaka | Budni broj | Broj prijave |
| 01                     | 04                    | 32093      | 227          |

Broj: 01-04-1091-1/24  
Sarajevo, 15.11.2024. godine

**SKUPŠTINA KANTONA SARAJEVO**  
n/r Elvedin Okerić, Predsjedavajući Skupštine  
- o v d j e -

**PREDMET:** Odgovor na zastupničku inicijativu, dostavlja se.-

**V E Z A:** Vaš akt broj: 01-04-32093-59/24 od 22.10.2024. godine

Poštovani,

Vašim aktom, broj i datum veze, dostavili ste Kantonalnoj upravi civilne zaštite Kantona Sarajevo zastupničku inicijativu koju je uputila zastupnica Jelena Pekić dana 21.10.2024. godine prema Štabu civilne zaštite Kantona Sarajevo, i to:

*„dostavljam inicijativu da se hitno uputi dopis prema gradskim opštinama u vezi sa raspoloživošću stanova koji su u vlasništvu opština a koji se mogu staviti na raspolaganje u slučaju evakuacije stanovništva sa područja opštine Stari Grad Sarajevo zbog opasnosti od aktiviranja klizišta u MZ Širokača“.*

**ODGOVOR:**

Štab civilne zaštite Kantona Sarajevo je u periodu od 08.10. do 02.11.2024. godine poduzeo sljedeće mjere i aktivnosti:

- odmah po saznanju da je došlo do pojave klizišta na području Općine Stari Grad na lokalitetu Bostarići (Curine njive), te da je od istog ugroženo stanovništvo i materijalna dobra u MZ Širokača, Štab civilne zaštite Kantona Sarajevo, (u daljem tekstu: Štab) je dana, 08.10.2024. godine održao vanrednu sjednicu na kojoj su bili prisutni komandant, načelnik i član Općinskog štaba civilne zaštite Stari Grad (u daljem tekstu: Općinski štab), kao i direktor Kantonalne uprave za inspekcijske poslove Kantona Sarajevo i direktor Kantonalne javne ustanove za zaštićena prirodna područja na kojoj je razmatrano stanje na području Općine Stari Grad Sarajevo prouzrokovano pojavom klizišta i povećanom opasnosti od izlivanja Bistričkog potoka na lokacijama Bostarići (tzv. Curine njive) i Boguševac uslijed gradnje stambeno-poslovnog kompleksa Hilis, Zlatište. Dogovoreno je da Općinski štab nakon što na osnovu svih prikupljenih informacija i podataka održi svoju sjednicu, o svemu pismeno obavijesti Štab.

- Štab je dana 09.10.2024. godine u 09:00 sati održao vanrednu sjednicu na kojoj je razmotrio zaključke Općinskog štaba od 08.10.2024. godine, koji se odnose na pojavu klizišta i povećanom opasnosti od izlivanja Bistričkog potoka na lokacijama Bostarići (tzv. Curine njive) i Boguševac izlivanja Bistričkog potoka koje je prouzrokovala gradnja stambeno-poslovnog kompleksa Hillis, Zlatište. S obzirom da navedeno stanje na tom području predstavlja opasnost po ljude i materijalna dobra, Štab je donio Naredbu kojom se naređuje Zavodu za izgradnju Kantona Sarajevo (u daljnjem tekstu: Zavod), da odmah izvrši procjenu stanja na gore navedenim lokacijama sa aspekta opasnosti uočenim na terenu vezano za pojavu pukotina na zemljištu, sa prijedlogom hitnih aktivnosti i mjera koje se trebaju poduzeti na navedenim lokacijama, a sve u cilju zaštite i spašavanja ljudi i materijalnih dobara. Naredbom je, također, naređeno Zavodu, Institutu za geotehniku i geologiju Građevinskog fakulteta u Sarajevu, Prirodno-matematičkom fakultetu UNSA, Šumarskom fakultetu UNSA i Općinskom štabu civilne zaštite Stari Grad, da pruže svu neophodnu stručnu pomoć Zavodu pri realizaciji navedenih aktivnosti, kao i Zavodu da odmah nakon izvršene procjene i sačinjavanja prijedloga mjera iste dostavi Općinskom štabu i Štabu. Općinskom štabu naređeno je, da kontinuirano vrši neposredni nadzor na navedenim lokacijama, te da poduzme neophodne mjere, da osigura lokacije za smještaj ugroženog stanovništva i u slučaju potrebe postupi u skladu sa planom evakuacije stanovništva, te da za eventualne dodatne potrebe na koje ne može odgovoriti obavijesti Štab, kao i zaključak, kojim se zaključak Općinskog štaba koji se odnosi na opasnosti od pojave klizišta i izlivanja Bistričkog potoka koje je prouzrokovala gradnja stambeno-poslovnog kompleksa Hillis, Zlatište, dostavi hitno na nadležno postupanje Federalnom štabu civilne zaštite i Federalnoj upravi civilne zaštite iz razloga što se navedeni stambeno-poslovni objekat nalazi na teritoriji entiteta Republika Srpska.

- Štab je dana 09.10.2024. godine u 21:00 sat održao nastavak vanredne sjednice na kojoj je razmotrio Preliminarni izvještaj za lokalitet Curine njive sa prijedlogom hitnih mjera Zavoda, te je na osnovu istog donio Zaključak, kojim se Preliminarni izvještaj za lokalitet Curine njive sa prijedlogom hitnih mjera Zavoda koji se odnosi na opasnosti od pojave klizišta i izlivanja Bistričkog potoka koje je prouzrokovala gradnja stambeno-poslovnog kompleksa Hillis, Zlatište, dostavi hitno na nadležno postupanje Federalnom štabu civilne zaštite i Federalnoj upravi civilne zaštite od kojih je zatraženo da naredi Federalnoj upravi za inspeksijske poslove i drugim nadležnim organima da hitno poduzmu neophodne aktivnosti u cilju zaštite i spašavanja ljudi i materijalnih dobara u vezi sa navedenim Preliminarnim izvještajem iz razloga što se navedeni stambeno-poslovni objekat nalazi na teritoriji entiteta Republika Srpska. Na navedenoj sjednici, Štab je donio Naredbu kojom se naređuje Općinskom štabu da u okviru svoje nadležnosti poduzme aktivnosti i mjere u vezi sa Preliminarnim izvještajem Zavoda od 09.10.2024. godine, da kontinuirano vrši neposredni nadzor i osmatranje na ugroženom području, kontinuiranu analizu i procjenu stanja, te eventualno u slučaju potrebe izvrši evakuaciju stanovništva, da u slučaju prevazilaženja kapaciteta kojima raspolaže Općinski štab (član 175. Zakona o zaštiti i spašavanju), obavijesti Štab sa objašnjenjem koje mjere ne može poduzeti i zbog čega, te predloži konkretne aktivnosti i mjere Štabu i da o istom izvještava isti.

- Štab je dana 11.10.2024. godine u 12:00 sati održao nastavak vanredne sjednice na kojoj je razmotrio zaključke Općinskog štaba i zahtjeve od Općinske službe civilne zaštite Stari Grad od 10.10.2024. godine, koji se odnosio na opasnosti od pojave klizišta i izlivanja Bistričkog potoka koje je prouzrokovala gradnja stambeno-poslovnog kompleksa Hillis, Zlatište, te je na osnovu istih donio Naredbu kojom se naređuje Općinskom štabu da odmah bez odlaganja postupi po Naredbi Štaba, broj: 08-40-1007-3/24 od 09.10.2024. godine (kojom je Općinskom štabu naređeno da u okviru svoje nadležnosti poduzme aktivnosti i mjere u vezi sa Preliminarnim izvještajem Zavoda od 09.10.2024. godine, kao i da kontinuirano vrši neposredni nadzor i osmatranje na ugroženom području, kontinuiranu analizu i procjenu stanja, te eventualno u slučaju potrebe izvrši evakuaciju stanovništva i da o istom izvještava Štab). Na navedenoj sjednici Štab je usvojio Zaključak, kojim se između ostalog, konstatuje da zaključci Općinskog štaba i zahtjevi od Općinske službe civilne zaštite Stari Grad nisu u skladu sa Naredbom Štaba, broj: 08-40-1007-3/24 od 09.10.2024. godine, kao i odredbama Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10). Također Štab je Naredbom naredio svim relevantnim institucijama da poduzmu aktivnosti iz svoje nadležnosti, te tako pružio stručnu pomoć Općinskom štabu. Štab je tražio od Federalnog štaba civilne zaštite da naredi Federalnoj upravi za inspeksijske poslove i drugim nadležnim organima da hitno poduzmu neophodne aktivnosti u cilju zaštite i spašavanja ljudi i materijalnih dobara u vezi sa Preliminarnim izvještajem Zavoda od 09.10.2024. godine. Predmetnim zaključkom Štab je zatražio od Zavoda da zbog alarmantnog stanja na terenu odmah dostavi konačni izvještaj za lokalitet klizišta Curine njive, te zatražio od Federalnog štaba civilne zaštite da dostavi izvještaj o aktivnostima koje su poduzeli do sada federalni organi u vezi Preliminarnog izvještaja Zavoda od 09.10.2024. godine. Donesenim Zaključkom je traženo da komandant i načelnik Štaba upoznaju javnost o

mjerama i aktivnostima koje je poduzeo Štab, vezano za pojavu klizišta na području Općine Stari Grad Sarajevo.

- Dana 16.10.2024. godine održan je nastavak vanredne sjednice na kojoj je Štab razmatrao Izvještaj o radu Interinstitucionalne radne grupe na procjeni stanja na lokalitetu Curine njive i Bistrički potok sa prijedlogom interventnih i trajnih mjera od 15.10.2024. godine, koji je dostavio Zavod, kao i Preporuku za evakuaciju stanovništva sa lokaliteta ul. Bostarići i Ablakovina, MZ Širokača, koju je dostavila Općinska služba civilne zaštite Stari Grad, te Zahtjev Kabineta premijera Kantona Sarajevo, koji se odnosi na pojavu klizišta na navedenim lokacijama na području Općine Stari Grad. Na osnovunavedenih akta, Štab je donio Zaključak, kojim se prima k znanju Izvještaj o radu Interinstitucionalne radne grupe na procjeni stanja na lokalitetu Curine njive i Bistrički potok sa prijedlogom interventnih i trajnih mjera i da se isti dostavlja na nadležno hitno postupanje Federalnom štabu civilne zaštite i Federalnoj upravi civilne zaštite, kako bi bio proslijeđen nadležnim institucijama u Republici Srpskoj sa molbom za povratnim informacijama o poduzetim interventnim i trajnim mjerama. Navedenim Zaključkom Štab je također, primio k znanju i Preporuku za evakuaciju stanovništva sa lokaliteta Ul. Bostarići i Ablakovina, MZ Širokača, koju je dostavila Općinska služba civilne zaštite Stari Grad i zatražio od Općinskog štaba da odmah bez odlaganja postupi u cijelosti po Naredbi Štaba, broj: 08-40-1007-3/24 od 09.10.2024. godine, te informisao Kabinet premijera Kantona Sarajevo da je Štab poduzeo sve potrebne aktivnosti u skladu sa svojim nadležnostima i pozitivnim propisima iz oblasti zaštite i spašavanja i da im se dostavljaju usvojeni akti od strane Štaba vezano za pojavu klizišta na području Općine Stari Grad.

- Štab je dana 18.10.2024. godine zaprimio zaključke Općinskog štaba od 16.10.2024. godine, koji se odnose na opasnosti od pojave klizišta i izlivanja Bistričkog potoka koje je prouzrokovala gradnja stambeno-poslovnogkompleksa Hillis – Zlatište. Isti dan je održao nastavak vanredne sjednice na kojoj su bili prisutni načelnik i član Općinskog štaba na kojoj su razmatrani zaključci Općinskog štaba. Poseban je akcent dat Zaključku Općinskog štaba, broj: 12-40-222-76/24 od 16.10.2024. godine, kojim Općinski štab utvrđuje, da su se stekli uslovi za evakuaciju građana sa područja Bostarića, MZ Širokača, obzirom da se procjenjuje da su ugroženi građani i materijalna dobra na predmetnom lokalitetu, a da se mjere zaštite i spašavanja ne mogu postići na drugi način, da traži od Kantonalne uprave civilne zaštite Kantona Sarajevo da u skladu sa članom 65. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) (u daljem tekstu: Zakon o zaštiti i spašavanju) naredi evakuaciju stanovništva i materijalnih dobara jer se radi o evakuacije s jedne općine na više općina u kantonu. U Zaključku su naveli da smještaj ugroženih građana ne može biti na području Općine Stari Grad Sarajevo jer su provjerom utvrdili da Općina Stari Grad Sarajevo ne raspolaže sa adekvatnim smještajnim kapacitetima u kojima bi trebali biti smještene ugrožene porodice na duži vremenski period, kao i da je Općinski štab zaprimio e-mail od Ministarstva za rad, socijalnu politiku, raseljena lica i izbjeglice Kantona Sarajevo, kojim se u slučaju evakuacije stavljaju na raspolaganje smještajni kapaciteti na području drugih općina, te da je Općinski štab utvrdio nacrt Plana evakuacije i smještaja ugroženog stanovništva. Nakon rasprave i usmenog izvještaja o dosadašnjim poduzetim mjerama i aktivnostima od strane predstavnika Općinskog štaba, dogovorene su mjere i aktivnosti koje trebaju biti poduzete na zaštiti i spašavanju ljudi i materijalnih dobara od strane Općinskog štaba, (proglašenje stanja prirodne nesreće uzrokovane klizištem, izrada i usvajanje Plana evakuacije ugroženog stanovništva koji treba biti usklađen sa Planovima prihvata ugroženog stanovništva koji trebaju donijeti općinski štabovi civilne zaštite na čijem području je planiran smještaj ugroženog stanovništva (i druge neophodne mjere), kako bi Štab u skladu sa propisanim procedurama i svojim nadležnostima poduzeo neophodne mjere i aktivnosti na zaštiti i spašavanju ljudi i materijalnih dobara na ugroženom području.

- Štab je dana 31.10.2024. godine održao vanrednu sjednicu na kojoj je razmatrana Odluka Općinskog načelnika Općine Stari Grad Sarajevo o proglašenju stanja prirodne nesreće od klizišta na području Općine Stari Grad Sarajevo i Plan evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ „Širokača“, ulica Bostarići i Ablakovina (u daljem tekstu: Plan evakuacije i zbrinjavanja stanovništva). Obzirom da je Planom evakuacije i zbrinjavanja stanovništva utvrđeno, da će evakuisano stanovništvo (77 osoba iz 31 objekta) sa ugroženih područja Općine Stari Grad Sarajevo, MZ Širokača, ul. Bostarići i Ablakovina, biti smješteno u objekte na području općina: Centar Sarajevo, Novo Sarajevo i Novi Grad Sarajevo, Štab je donio Naredbu kojom se naređuje općinskim štabovima civilne zaštite: Centar Sarajevo, Novo Sarajevo i Novi Grad Sarajevo da u saradnji sa Općinskim štabom, na osnovu Plana evakuacije i zbrinjavanja stanovništva, a u skladu sa članom 66. stav (1) Zakona o zaštiti i spašavanju,

izrade Plan prihvata evakuisanog stanovništva i materijalnih dobara sa ugroženih područja Općine Stari Grad Sarajevo, MZ Širokača, ul. Bostarići i Ablakovina u objekte navedene u Plana evakuacije i zbrinjavanja stanovništva i iste dostave Štabu do 14:00 sati dana, 01.11.2024. godine, kako bi Štab u skladu sa svojim nadležnostima poduzeo mjere i aktivnosti koji se odnose na evakuaciju stanovništva.

- Štab je dana 01.11.2024. godine održao nastavak vanredne sjednice na kojoj je razmatrao stanje na području Općine Stari Grad Sarajevo prouzrokovano pojavom aktivnog klizišta u MZ Širokača, ul. Bostarići i Ablakovina. Obzirom da je zbog navedenog klizišta na području Općine Stari Grad Sarajevo proglašenju stanja prirodne nesreće, da je **Općinski štab usvojio Plan evakuacije i zbrinjavanja stanovništva sa ugroženih područja, MZ Širokača, ul. Bostarići i Ablakovina u objekte na područje općina: Centar Sarajevo, Novo Sarajevo i Novi Grad Sarajevo, da su navedene općine izradile i dostavile Štabu akte-Planove prihvata evakuisanog stanovništva sa ugroženih područja Općine Stari Grad Sarajevo u objekte navedene u Planu evakuacije i zbrinjavanja stanovništva. Štab je donio naredbu kojom se između ostalog, naređuje Općinskom štabu, da izvrši evakuaciju stanovništva i materijalnih dobara sa ugroženih područja Općine Stari Grad Sarajevo, MZ Širokača, ul. Bostarići i Ablakovina, na područje općina: Centar Sarajevo, Novo Sarajevo i Novi Grad Sarajevo u objekte navedene u Planu evakuacije i zbrinjavanja stanovništva, a općinskim štabovima civilne zaštite: Centar Sarajevo, Novo Sarajevo i Novi Grad Sarajevo da u saradnji sa Općinskim štabom civilne zaštite Stari Grad Sarajevo, izvrše prihvata evakuisanog stanovništva i materijalnih dobara sa ugroženih područja Općine Stari Grad Sarajevo, MZ Širokača, ul. Bostarići i Ablakovina u objekte navedene u Planu evakuacije i zbrinjavanja stanovništva.**

Navedena naredba je isti dan u 15:33h dostavljena Općinskim štabovima civilne zaštite: Stari Grad Sarajevo, Centar Sarajevo, Novo Sarajevo i Novi Grad Sarajevo i drugim organima, javnim ustanovama, službama i organizacijama koje su zadužene za njenu realizaciju.

Štab je također, na vanrednoj sjednici donio i zaključak, kojim je između ostalog, zadužio komandanta i načelnika Štaba da o svim okolnostima u vezi Naredbe, kojom je Štab naredio da se izvrši evakuacija stanovništva i materijalnih dobara sa područja Općine Stari Grad Sarajevo koja su ugrožena zbog nastanka klizišta, na područje općina: Centar Sarajevo, Novo Sarajevo i Novi Grad Sarajevo, odmah izvijeste Vladu Kantona Sarajevo.

S poštovanjem,

Dostavljeno:

- Naslovu;
- a/a.

